



CONVENIO DE COLABORACIÓN ENTRE A CONCELLERÍA DE DEPORTES DE VIGO E O CENTRO ESCOLAR PÚBLICO DO IES DE TEIS POLA UTILIZACIÓN DA INSTALACIÓN MUNICIPAL DO PAVILLÓN MUNICIPAL DE TEIS PARA IMPARTIR A DOCENCIA DAS CLASES DE EDUCACIÓN FÍSICA (exp. 1471/611)

Na Cidade de Vigo a quince de novembro do ano 2017

REUNIDOS

Dunha parte, o Excmo. Sr. D. Abel Caballero Álvarez, Alcalde-Presidente do Concello de Vigo (CIF P 3605700H).

Doutra parte Don Luís Vilán Crespo con DNI 36065197-R, como representante legal do Centro IES De Teis con CIF S-3600037-J, tal como acredita.

MANIFESTAN

Que o Concello de Vigo, a través da súa Concellería de deportes, ten entre os seus obxectivos, colaborar coa dinamización das actividades vinculadas á actividade física e deportiva en calquera das súas manifestacións ou vertentes, entre a que se atopa a do ámbito educativo.

O Centro escolar público do IES De Teis, desenvolve a súa labor formativa nas súas instalacións, ubicadas na Avda Galicia nº101. Este centro público educativo non dispón do espazo suficiente, necesario e axeitado para o desenvolvemento das clases de E.F.

As actuacións de colaboración entre administracións no eido do deporte e a E.F pode contribuir a consolidar hábitos de vida saudable, a mellorar a condición física da poboación escolar da cidade e a mellorar as condicións nas que se desenvolven as actividades docentes de Educación Física.

Por outra banda dende a Concellería de Deportes, trabállase na necesidade de incrementar as posibilidades de uso de instalacións deportivas na cidade, para poder dar resposta ás solicitudes de uso de instalacións por parte dos diferentes centros educativos, polo cal, esta proposta ven establecer dunha forma operativa, unha mellora de cara a programar as diversas actividades deportivas da cidade.

Tendo en conta que o principal obxectivo deste proxecto, busca a unificación dos criterios de promoción deportiva na cidade, ó mesmo tempo que pretende aunar os esforzos, e os recursos necesarios para o correcto desenvolvemento dunha oferta deportiva axeitada, e así, entre ambas entidades establecerase a base de colaboración xa que a o Centro Público Educativo IES



De Teis conta cos medios humanos necesarios para facilitar a organización, seguimento e control das actividades que se planteen neste convenio e por parte da Concellería de Deportes cóntase coa infraestrutura deportiva.

Polo cal procédese asinar un convenio de colaboración que rexirásese polas seguintes cláusulas,

CLÁUSULAS

1. Este convenio establécese como marco de entendemento e colaboración mutua que permita desenvolver as actividades docentes de E.F. do Centro escolar nas instalacións Municipais do Pavillón de Teis.
2. O Centro escolar IES De Teis, en base ó artigo 5 A)1, da ordenanza N° 52, Reguladora de prezos públicos das instalacións deportivas municipais pertencentes a Concellería de Deportes, estará exento de abonar o prezo público correspondente a utilización da instalación obxecto do presente convenio, un total de 958 horas durante a duración do convenio, a 7,95 € a hora, e que ascende ó importe estimado de 7.608,15 €.
3. O Centro escolar IES De Teis comprométese a desenvolver as clases de E.F. nas condicións establecidas no presente convenio, na instalación deportiva municipal do pavillón de Teis, nos horarios e datas establecidos no presente convenio.
4. O Centro escolar IES De Teis presentará, á sinatura do convenio o listado de cursos que desenvolverán as clases en cada franxa horaria.
5. O Centro escolar IES De Teis é o responsable do desenvolvemento das clases na instalación Municipal, debendo estar presente na instalación en todo momento o responsable da clase.
6. O Centro escolar IES De Teis comunicará a Concellería de Deportes con antelación suficiente calquera cancelación ou alteración nos horarios das clases.
7. A Concellería de Deportes non terá ningunha responsabilidade co calquera incidente que puidera resultar derivado do desenvolvemento da actividade docente.
8. Os alumnos que desenvolvan a actividade na instalación será exclusivamente os vinculados ás clases de E.F. do centro, non estando permitido ningún outro uso que non sexa a impartición da docencia.
9. Os alumnos accederán á instalación precedidos polo docente responsable da clase, non estando permitido o acceso dos alumnos en caso contrario.



Da mesma forma, o docente será a última persoa en abandonar a instalación, asegurándose de que ningún alumno ou alumna queda na instalación.

10. A Concellería de Deportes, aportará o espazo para o desenvolvemento das clases.

11. A Concellería de Deportes resérvase a posibilidade de dispoñer da instalación por cuestións de programación ou mantemento. Neste caso se avisará por á entidade, debendo ésta cancelar a docencia na instalación Municipal.

12. A vixencia deste convenio é para as citadas actividades nos seguintes horarios para o curso académico 2017-2018. Poderá estar suxeito a posibles modificacións solicitadas polo centro, en todo caso, estarán supeditadas a criterios de organización e dispoñibilidade de instalacións:

Días	Horario
Luns	10:00h a 14,30h e de 16,00h a 17,30h
Martes	10:00h a 14,30h e de 16,00h a 17,30h
Mércores	10:00h a 14,30h e de 16,00h a 17,30h
Xoves	10:00h a 14:30h
Venres	10:00h a 14:30h

13. No caso de incumprimento das obrigas e os compromisos asumidos neste convenio, por cada unha das partes, poderase aplicar medidas de suspensión ou anulación da vixencia do convenio.

Como proba da conformidade asinan en Vigo o presente convenio por triplicado exemplar, o día 15 de novembro de 2017

O Director do Centro escolar IES de
Teis

Luís Vilán Crespo

O Alcalde de Vigo

Abel Caballero Álvarez